



恥菴集序

江門先師白沙先生倡道東南適一峰先生以
風節起於大江之右若響答風聲所漸被一時
天下士習爲之丕變時則有若恥菴先生陳公
者蒞江右臬事乃獨於二先生尊崇而左右之
恐後詔時在莠冠聞之以之占公之賢過人遠
矣癸卯之秋詔計偕北上道出江右公時轉官
在藩省聞詔至亟枉顧南浦驛中與之握手劇
論久之詔于是乎益信公之賢乃不翅如曩所

占焉蓋見勝於聞也已而別去公遷官入浙尋以物故聞自是公不可復見矣後二十有五年爲正德丁卯公之姪輝以名進士宰吾廣之東莞視篆之隙始以其昔從公在任時手自抄錄公詩并文凡若干首以類編次成帙于詔敘諸篇端將刻而傳焉顧詔於公惡能已於言哉公長於吏事而文之以經術宦轍所至聲望隆然而崇尚文儒之懿尤爲物論所歸重假令公無著作焉以傳而公之賢卒不可掩也矧重以著

作之不苟燦然如渾金全璧者哉假令公於詔無一日之雅焉以爲今日購文地詔固不敢愛不腆之言將以白公之賢于天下後世矧荷公一旦逾旅斯文魚水之契忘年忘分底于如許其盛也然則詔雖欲已于言弗可得已公名煒字文耀閩縣人也登天順庚辰進士第拜御史官至浙江左布政使以其別號恥菴也因取以名其集焉

正德二年歲在丁卯夏四月之吉南海張詔撰

各其美也

字文舉河朔人

其盜也然以清嚴終身

一日無遊世也

不與之言

無一日之

半之

石倉十二代詩選 明詩卷之七十九

聰菴集

大明

閩縣陳輝著

後學曹學佺閱

送員外李叔玉之南京

新霜變碧草寒雲結朝陰送君都門道別騎何
駸駸離筵一樽酒因之話夙心君本明堂才蚤
歲辭鄧林郎曹二十載聲價輕南金輿情若有
合擬作商家霖如何遠行旆又逐南飛禽世事
勿復道此懷良不禁自慚本樗櫟託君交誼深

鄉園與宦轍日夕相追尋有詩必投示有過時
見箴君今辭闕下方逐朝簪仰視雲漢表一
似辰與參臨岐意難盡慷慨發狂吟淮江蕩蘭
漿白下聞霜砧舊京風景佳公暇宜登臨勿云
子期遠終負伯牙琴母改舊徽絃行當遇知音

歸篷聽雨爲王彥弼秋官乃弟賦

看山有二蘇芳名輝今古平生兄弟情一夜彭
城雨薄俗誰可敦對面秦越分同心復同氣三
魏美雲孫伯也秋臺英仲氏東山臥千里弟思

兄燈火清宵坐坐臥情不堪買棹來江南小窗
歡會處風雨夜深談相親情獨好欲別懷偏惡
抗疏入君門共假還鄉樂新涼及春秋同上潞
河舟縱令風雨夕何曾遠道愁初聽淮水東點
點在孤篷攬衣不成寐樽酒沽來同再聽吳江
上浙瀝枕邊響姜被夜正溫謝池草初長瀟
江上起何處無寒聲微因手足愛胡能激深情
鴻雁多分張此會安可常而況蹙歸省不日鷓
鷲行我家有難弟別來幾經歲天涯夢寐多長

歷代詩選
題詞
二
憶連枝會煩君相勉旃霄漢同飛騫預掃兩家
榻客窗期對眠

題怡雲卷

富貴聞洛陽幽寂稱柴桑亦有謫仙人對酒明
月光月行有圓缺花開易消歇惟有空中雲變
幻在倏忽張君海內奇愛之心怡怡無心觸石
起漠漠隨風飛讀書在林麓自在茅簷宿長遊
湖海舟帆檣共馳逐不見花月好光榮難自保
但隨雲卷舒逍遙以終老

風木圖

我生嘆薄祜雙親總朝露宦途將得祿泉臺絕
歸路悲風何蕭蕭夜撼庭前樹有耳不忍聽有
懷變淒楚蓼莪廢哀吟綵衣爲誰舞寸草心難
忘作圖表深素哀哉臯魚淚空灑泉下土惟有
揚芳聲可代終天慕

題歲寒三友圖

伐木輟遺響管鮑今不作異類強爲同中道生
險惡徂徠有深根歲晏無凋落何處結同心南

山與東閣密葉間清香允然歲寒托援筆題斯
圖因之勵浮薄

巡南畿夜宿茅山觀有懷和唐人韻

攬轡茅山陽林昏月初上解鞍扣道關一榻假
清敞樹古虬影蟠風迴玉聲響客夢不成憇孤
懷共誰賞緬惟故山雲無由謝塵想

送趙雍訓武定州

都門雨初霽碧草飄初香故人別我去執手上
河梁君本吾鄉彥學海駕孤航沉酣三傳奧落

紙燴雲蒼恍如九苞鳳燦燦五彩章楚人不見
信置在山雞行索莫難自陳九天屢回翔何處
攬德輝孔門道彌光念昔君未遇桃李已門墻
我家有同氣幾年托芬芳深情一斗酒沃君離
別腸酒盡君當發仰視雲茫茫好飽琅玕食高
岡待鳴陽

送王廷用司訓桐廬

玉階領儒官都門介行李祖筵一尊綠桐江幾
千里君本吾鄉英襟懷澹如水吐論錦蟠胸落

筆煙凝紙齊瑟叶雲和王門不經耳小成豈自
安道傳心亦喜交游滿仕途道義如君幾人茲
別我去離情悵何已臨分發狂吟情詞愧踈俚
敷教想多閒緘書慰知已

商山四皓和羅彝正韻

生子不嗣漢花顏爲誰好陰虹濁太陽前星暗
穹昊誰知安漢功乃屬避秦老赤松已先幾紫
芝猶未稿出山還入山白雲可重掃不見韓與
彭門巷委荒草

題徐孺子墓

行藏原有道出處須見機忍恥穀危邦豈若其
蕨薇漢道昔云季桓靈擁虛器西日走崦嵫寸
繩豈能繫濟川非無情中有波濤驚不見陳與
竇殺身竟何成南州坦平地高遂夷齊志有齒
寧食力不掛安危事黨錮任紛紜安然麋鹿羣
束芻千里道惟哭故人坟我遭明盛時引身非
所宜雖無仲舉榻愛樹九齡碑宰木揚清風東
湖釀美酒再拜奠芳樽閒庭自花柳

遊開先寺

長憶匡廬秀無由結勝緣
風濤避彭蠡冠蓋到
開先徑轉山環抱岩欹樹倒顛
曇花當馬落蘿
薜向人懸瀑布簷飛玉香爐頂吐煙
排窗招五
老入室見諸天勝地堪棲跡
名途暫息肩
方味道有口懶參禪
倦倚雲邊榻行看石上鐫
舊題半磨滅詩語尚新鮮
景物知多少詩家畫
未全興酣烏夕沒坐久月東圓
筆醮潛龍窟茶
烹接竹泉客懷清似洗
俚句不成篇想像陶彭

澤追尋李謫仙神交來夢寐爲我足吟箋

題周文靖竹石圖寄贈山中葉克穎

紫臺山形若匏仆紫臺山下竹無數
四時蒼翠
拂簷楹云是山人棲隱處
我家相距十餘里
文
筆山前義溪澣種得蕭蕭玉萬竿也學山人開
別墅有時山人過我遊坐看繁陰滿窗戶
夜靜
林間酒半醒鳳凰蹴落枝頭露
有時我棹紫臺
舟六月炎雲不知暑膝上彈琴曲未終
鷓鴣啼
落江邊雨兩家景物向來同
十載萍蹤何處所

歷代詩選 卷之九
高人爲寫石上枝恍惚猶諸夢中趣他年煙水
覓長竿揮毫指點山前路

題戴文進赤壁圖

元豐有案詩成獄五載南來事遷逐黃岡形勝
無處無赤壁磯頭山水綠古樹深蟠不老根懸
崖瀉下飛來瀑白露橫江風氣涼月出東山皎
如燭扁舟欸乃擊空明主賓逸興何當足歌聲
上薄斗牛寒玉簫吹起鮫人哭此時此景情最
融那識升沉與榮辱舊存詞賦未淒涼千古虹

光耀人目臨安畫史藝無雙貌得生綃橫半幅
揮毫幾度不成吟祇恐神遊笑俚俗綿邈高風
何處尋漠漠江雲寄遙矚

題張方伯畫馬

長安陌上柳鞭地十二天閑散羣驥蘭筋鳳臆
若游龍龍種生來盡神異良工寫意非寫形生
綃半幅墜房精韋韓之妙不復作眼前畫者誰
得名箇中憔悴老無力飼秣猶爲人愛惜其他
驥裏與驂騮皂圍分明動鞭策傍觀一馬殊不

歷代詩選 明陳文輝
然霜蹄騰踏嘶向前汗血須驟六龍馭安得奚
奴浪着鞭

題山水小景

江冷水溶溶羣山紫翠重村孤茆屋小樹隱白
雲濃野渡橫歸棹深林起梵鐘天涯塵跡久何
處覓仙踪

遊月河寺和柯先生韻

小寺尋芳去微雲霽曉天亭臺人境外門巷野
橋邊徑轉穿花入杯深藉草眠不嫌歸路晚乘

月漫垂鞭

彭城弔古

彭城饒古蹟劉項屬誰家帆掛江間日城樓鳥
外霞荒臺無戲馬大澤不橫蛇寄語歌風者賢
人帝獨嘉

和厚弟山居偶成

雞黍連枝會村居未寂寥茶烹南澗水酒送北
溪橋取具奔鄰叟關門避客輶山深無日色早
晚卜歸樵

述懷

自愛棲遲海上山，今誤入利名關。無端世事
愁邊見，不在鄉心夢裏還。三伏炎蒸勞案牘，五
更風雨立朝班。也知竊祿渾無補，逐逐光陰好
是閒。

草塘春色爲陸秋官景乃弟賦
柳塘春暖草初生，綠遍江千萬里程。彷彿西堂
來夢寐，分明南浦帶離情。晴連碧漢看無異，翠
落蒼波染不成。吟得惠連詩句好，秋風臺畔寄

難兄

送魏司訓澄之饒州

日射金門曙色開，故人銜命出蓬萊。花邊躍馬
香風動，鷗外飛帆細雨來。北闕有心方重道，西
江無地不生才。明堂榱桷先收拾，梁棟行應屬
大材。

宿聰上人房

半生無計滌塵襟，喜共旻公宿梵林。隔竹茶煙
風冉冉，鎖窗花影夜沉沉。有心聽法篝燈坐，著

意敲詩步月吟一榻未容清夢覺又乘羸馬逐
朝簪

送周太守琰還溫州

陌上春光遍柳條送君初下紫宸朝遙空雲盡
千峰出別路風生五馬驕離思不堪同作客交
情還憶共題橋孤舟明發知何在踈雨空江半
落潮

送吳亞卿復致政歸螺江

五十餘年任畏途邇來歸興逐蓴鱸風搖雙佩
辭三殿雲引孤帆入五湖荔酒醉眠花下榻茶
煙吹起竹邊廚白頭富貴人間少況復身閒一
事無

寓臨清寄余文勉主事

交游何處見情真岐路相逢卽故人斗酒屢邀
花底醉束薪多濟客中貧陌頭踈柳纔凋葉江
上寒梅又放春祇恐天書易催發論心不及往
來頻

送陳黃門奉使琉球

使星宵傍斗南飛青鎖仙郎出禁闈雲染紫泥
頰去誥獸蟠紅錦賜來衣海門風迅帆檣遠天
際煙消島嶼微蚤奉君恩敷絕域台衡屬意望
君歸
送林季成司訓吉安
嫋嫋垂楊拂綠陰河流不似別情深故人欲發
西江棹雲樹應懸北客心荒草滿庭芹泮雨南
薰一曲杏壇琴他時若採明堂具自有長材出
鄧林

賦得繡里春耕

當年畫繡有遺蹤此地于今隱臥龍半畝鋤犁
春雨足幾家籬落白雲封遺安識得龐公趣棲
遯真成谷口農念我非才承世澤移文慎勿笑
周顒

內翰黃仲昭以言被謫湘潭賦贈

一道封章徹紫宸憂時寧復悼埋輪玉堂本是
論思地湘水其爲放逐臣孤棹夜寒惟有月上
林花發不知春皇家德量寬如海瓊重將來報

主身

同官胡以道謫黔陽丞用李廷美韻送之
凌晨相送帝城東回首君門隔九重行橐獨多
封事草貞心不改歲寒松花邊且對離筵酒夢
裏猶聞禁苑鐘沅水謾勞遷謫恨虞廷接武盡
夔龍

春雨耕讀爲苗太守題

昔季解組意何如郭外良田架上書隴畝鋤犁
春雨後菰齋燈火夜涼初鹿門景物宜人處龜

鼎功名染指餘笑我紅塵方擾擾不知何日買
鄰居

題小景山水

雲卷青山外舟維古渡頭江亭幹鞅寡閒對兩
三鷗

題小景

深沉門巷隔煙霞路出重關一徑斜江上小舟
如載酒定應來訪子雲家

出按東吳舟次通州

歷代詩選 明陳文粹
朝辭玉陛按東吳晚出灣河畫舫孤兩地思家
南又北滿江雲影樹模糊

經維揚見竹偶成

江南無地不清幽十載紅塵祇夢遊此日推篷
江上看幾家茅舍竹修修

吳市居民日予年少笑而賦此

五載恩光映豸袍周詢民瘼敢辭勞閭閻不用
驚年少無限秋霜點鬢毛

元夕寓淞行臺

六街簫鼓動歡聲獨坐行臺看月明不是有心
貪勝賞偶逢時節獨關情
沽來春酒已無多行酒青衣不解歌浮世幾回
燈火夕如何長在客中過

清明道中

驄馬行行過近畿家家坟上紙錢飛七千里外
楸梧老立斷東風泪滿衣

胡僉憲德盛寫蘭并題用韻答之

小窗岑寂夜如年夢繞芝蘭若箇邊明日相思

雁信何如花底對牀眠

題高都憲早閒亭

拂袖君門不復回
故園山水亦奇哉
可人最是亭前菊
不待秋風已自開

謫仙問月

沉香亭北奏雲和
獨數清平第二歌
何事夜郎流不返
又持杯酒戲嫦娥

宿永慶寺望厚用二弟赴會闈不至

衛河風冷亂流澌
白日看雲夜臥遲
殘月半窗

山寺曉不知何處正驅馳

期黃秋官賞春遇雨

見說仁山景物佳
尋春有約踏晴沙
無端最是連朝雨
孤負春風幾度花

石倉十二代詩選

明詩卷之七十九

終

雙陣雨餘良春風送爽

具篇才山景幽卦毒春有降

黃輝官賞春恩雨

山寺報不吹何處五鯢鯢

鄭弦齋與尚默林侍講書

瑛白蔀齋賢相閣下瑛二十年前昧入仕途顛

頓摧挫不知所自持蓋由年少踈放玩忽時制

雖嘗兩沾鄉舉竟不獲登進士列重爲足下慙

十六年道出南京久嬰血疾深荷療恤并遭緩

足所苦寸步如挈重石人事益自廢棄判此蒲

質多在土壤中矣不意自全至今往疾頓愈海

外無事復得味索舊書磨治心術或時與二三

子徜徉山水間而已餘無足道也往年進香赴

闕冀獲因緣相見至聞扈蹕南行悒悒不克會
每欲覩縷爲書輒復中滯卒不能成就其說亟
在舍弟書問中展敬不專之罪無以自文每想
與足下在鄉曲時夾衢而居日會數四同年而
生爾汝兩忘入焉有母戚之呼出則更數師而
共業自後雲泥間濶薄宦樵李者三年從事襄
漢且七年蹉跎冷官於海南又將十年才無可
用不見錄於世退思自奮成章惜文力不振無
以信於後人生百年七十者已不多得今雖未

邁齒搖髮禿日漸衰朽便使宰物者相厚大都
不過二十寒暑則無此身矣比來未審尊體何
似玉堂春容不待祝也遠惟足下九考三遷位
清而地禁美食天厨榮兼兩爵數年來料不身
私其將輔養君德者日必崇引拔賢俊者日必
多彌縫化理者日必無窮況大制作之文乎此
地深僻乏聽但引領遙慕而已絕今兩紀不蒙
一辱教帖或者一時新知皆禮踰而情炎僕踈
且遠所求未能先施無乃督過於僕僕固始而

愧然終知相猶非古之道大君子必不爾也高
岡千仞自有鳳侶故不遑徘徊燕雀之微僕若
中而疑亦終知易交乃世情態大君子尤不爾
也後至京師在舍弟處獲覩所敘先譜有謂與
瑛旣友而戚又云旦夕會瑛請與瑛同較之書
賜惠加百倍然而釋然知足下不失其親且故
也舍弟時來相見倘蒙獎勵以宏其器於瑛受
賜又莫大幸萬里寒素不能效誠聊奉某物表
忱而已有風南來懷我好音春光且盡宜順時
葆和爲斯文領袖贍奉未有期也恐懼不宣按
茲齋公諱瑛字希晦幼同林公尚默從學于王
公孟陽之門永樂戊子歲聘爲閩清連江二邑
司訓後領應天湖廣省直鄉試其文錄爲程式
以瓊州樂會訓導秩滿之京卒于途友人羅泰
爲之墓誌銘弟珞寧波知府

四明文獻志知府鄭公珞字希玉閩人永樂十
三年進士宣德初來治四明簡重寡默聰敏過
人案牘之暇手不釋卷時有吟詠品題俱載郡

乘中禮賢下問不以人廢言凡布衣浮屠有識
治理民瘼者亦不靳于屈訪之云

四國文輝志賦和漢公許字帝王留人永樂十
為之墓誌銘

以雙州樂會臨學府前之京卒于金文入錄未

公孟開之門子樂文子其弟以州志五二也

蘇齋公新刻字流和取以林八尚想其學于注
林味高祖又與謝觀奉末

石倉十二代詩選

明詩卷之八十

弦齋集

大明

三山鄭瑛著
後學曹學佺閱

題新喻丞劉源墨菊

東籬吐佳菊采采含幽馨芳心竟云托離披履
前楹詎惟陶令賢千載同幽襟感茲時物遷獨
見霜中榮故人安素子為君寫其英醉墨尚淋
漓宛若寒露侵豈無春陽華朝發夕已零贈此
竟何俟亦以期合音

答郭大叅五龍見寄兼次前韻

不見汾陽宅猶存太史文寧知當世士才與古人倫
席上空鳴劍林間任折巾高風如可即清夜嘯歌頻

觀濤閣為閩縣鄒縣丞作

君家傑閣連雲起遙瞰滄溟拍天水東吳佳氣橫
九秋震澤長風破千里有時颯沓來飛湍瀟瀟五月生
秋寒故人早得瀛洲趣憑高何翅凌霄翰望中澎湃浩
無極太虛迫合春朝夕銀蟾

席上採鏡光落景簷前掛丹碧知君對此歡未央
酒酣直欲窺扶桑及茲作縣三山下便濯煩燠為清涼
未誇枚乘觀濤賦更憶莊生望洋處愧予亦有淮海心
為爾長歌發襟素

寓金陵寄舍弟十二校書以識別懷兼憶

二姪

吾祖昔葬龍腰峰石邊種子今作松吾家舊在鳳池
曲庭前種筍今成竹人生變幻那得知見時自謂長
若斯一朝蹉跎各老大况乃落魄天

之涯天之涯何淡蕩功名未覩心猶壯母在寧
論鮑叔心官卑不改陶潛況去年風雷建中過
丰酒慙慙奈別何老樵丈人發詩篋萬素將軍
贈劔歌別來欲度雲霄裏羽翼空摧溟渤水鴻
雁天邊落日低鶴鴝原上秋風起冕旒二子近
何如客久都門未得書馬首明朝勿西去何由
見爾唾成珠

題丁克恭臨清軒

太湖之東水拍天鮫人結室龍爲淵丁生胡爲
獨嗜此清興直欲窺無邊洲頭高構凌虛起春
風淡蕩吹香芷不異幽人水竹居還同處士柴
桑里有時懷術出吳中藜杖看山日幾重雲外
輕時多馬跡花間坐處卽仙蹤羨君愛山仍愛
水醉來掃向丹青裏戲墨與人不索錢臨流更
結湖中意湖中意清且長嗟予此樂亦不忘歸
將載得湖上月爲爾鼓枻歌滄浪

赤岬喬松

獨不見君家萬丈之喬松交柯崛走驚蛟龍渾

歷代詩選 明鄭希 卷八十
三
沌以來不可數孰識夏后之植秦人封盤谷直
與元氣會赤岬東西分晝晦怒豹毛霏霧雨中
神鼇背折川岡外吾聞中有何氏居過者仰見
今嗟咨秋蟾在空風在谷胡用門前列戟鳴驪
駒上有翡翠蓋下有珊瑚枝鬼物守護仙人期
安得置我清陰之石上坐待白鶴歸來時

茅屋書聲

若有人兮山之阿結蘅茅兮被女蘿紛青衿兮
淑且多援吾師兮進明謨差佔俾兮激清騷聲
琅琅兮振鳴珂東臬盧兮西簫歌時旣迫兮將
奈何思我樂兮心忘勞舍姬孔兮誰將與訛

秣馬謠送王御史恒哲

渥洼水咽天房開酸風嘶入黃金臺赤虬帝子
市駿骨感激白汗啼香埃雙銅刮露竹披耳三
驥連錢宰紅尾碧蹄颯沓碎瓊瑤青毛參差剪
秋水畫闌十二春夢涼銀釭夜煮蘭茗香胡雛
黃鬚不敢秣忽驚神駿生輝光劉郎倚醉桂華
樹洗却芳塵拂金紫爲君折取珊瑚鞭一日旋

風五千里

九仙山

南登九仙峰西憶雙溪月玉輪千里懸秋光環
珮玲瓏上瑤闕仙人去去不可留聽我一曲歌
丹丘清晨搖曳采雲別白日飄忽乘天遊我宮
之真師乃是紫陽客與君銘骨授長生昔隱茲
峰鍊精魄誰料丹砂化成煙謫向人間二十年
玄風笑翳花源去化衣醉拂秋霞眠青童返霓
旌相招擁仙蹕下窺城郭幾回新手種長松已

千尺杳然真師失其蹤身騎白羊去無窮鸞啼
鶴怨天府空長攀玉樹期相逢君家乘龍度百
越過予洒掃石上月真師不來君又發還掩洞
房泣仙骨

次南安同寄從弟新建令希肅

一官瓊海獨淹留倚棹看山恣遠遊白下秋風
憐竝桂淮中暮雪憶同舟緘書久負翩翩雁橫
席長從汎汎鷗聞道政成有佳趣惠連詩句近
耽休

題羅司訓聽潮軒

席罷談經思獨清更於靜裏聽潮生半將春水
來天籟盡入羊城作雨聲登閣觀濤空有賦臨
流洗耳亦虛名何如醉臥滄洲上萬里琳瑯一
解醒

丙午孟冬黎寇竊發吳訓術自病中見寄
因避難航海遂和

故人臥疾近如何賴有詩懷祇自磨蘇子加餐
須努力沈郎多病愧吟魔半生別業經殘燹萬
里還家備走舸風景年來倍蕭索枕間清夢已
無多

白沙翠竹

沙頭萬玉碧參差絕勝三湘煙雨餘晝拂微颺
侵席冷夜隨涼月逗窗虛編籬稍斷樵人跡開
徑能通處士居爲問主人游宦久故林清夢近
何如

山水圖贈南雄黃驛宰

舟移青嶂夕門掩碧蘿春欲問仙槎客南來第

一津

秋夜泛舟

蒼蒼秋月涼颯颯寒蘆短孤舟人未眠霜花撲

窗滿

又

雲中蘿幌開石上苔衣冷古調人不聞誰能發

深省

又

石屏秋雨淨野樹晚風微忽憶前溪好應須踏

月歸

鼇溪漁唱

數頃烟波靄靄半窗風荻瀟瀟欲罷棹謳歸去

月明又轉溪橋

附鄭珞詩

字希玉有訥菴集弦齋之弟也

送王醫官歸龍泉

拜命恩波濶南歸道路長才名雙白髮行李一

青囊祖帳連春草征帆掛夕陽雲消波浩蕩燴

瞑樹蒼茫旅食經淮海家園入楚鄉藥分蘇井

水花送董林香濟世推恒德長生有秘方宋清
雖已遠千載共流芳

題四會顏大尹竹軒

顏君瀟灑謝塵俗遶屋惟令種修竹萬竿直節
凌雲霄半畝濃陰絕塵埃嫩葉幽枝翠欲流橫
窗拂席清且幽綠雲藹藹湘潭暝霜雪條條淇
水秋冰簾半捲棠陰靜對此鳴琴多逸興午夜
長空風雨來萬頃秋濤滿清聽湛露三時滴不
乾高堂五月生微寒玲瓏最喜吟中見旖旎偏
宜醉裏看君不見名花異卉足佳色一旦西風
盡摧折何如此竹無凋零歲晏相期抱冰雪

左掖聞鶯歌

蓬萊曙色寒蒼蒼萬方劔佩朝明光流鶯舞影
過雙闕遙送新聲出建章數聲纔度五雲表百
轉還聞上林杪宮漏沉沉九陌春禁鐘隱隱千
家曉煙花遠近布春聲聲聲裊裊如有情不隨
仙仗雲中散頻逐簫韶花外明流音往復斷復
續睨睨綿蠻聽不足初訝湘靈鼓素絃又疑秦

女彈新曲

塢溪書舍爲易行人節賦

高士耽幽遂隱淪卜居遠向塢溪墳林塘窈窕
開新墅籬落蕭條入白雲卷幔青山吟處好隔
窗飛瀑坐來聞棲鸞粉落琴邊竹辟蠹香浮澗
畔芸閉戶共憐玄晏僻垂帷長羨董生勤案頭
螢火搖寒影戶外秋聲起夜分問字故人頻載
酒趨庭諸子總能文鷗鵬已展圖南翼騏驎曾
空冀北羣天上星槎隨玉節日邊鳳勅煥龍紋

清時不負經綸志願竭忠貞答聖君

次黯淡灘

落日掛青嶂舟行次危灘天影動秋色溪聲生
夜寒予懷正寥落復此聞潺湲撫劔對明月喟
然發長嘆

和催喜外弟盧倫見宿

近卜孟家鄰簞瓢不厭貧關河今夜月兄弟異
鄉人對酒傷春晚思家入夢頻明朝又分手客
路孰相親

登四明郡城東樓

越州開霽色城上獨登攀萬室煙中樹千峰雨
後山江橋潮汐急海嶼水雲閒東望三仙島滄
溟杳靄間

晚次曹娥江

山靜孤雲歛沙虛夕照明隔江漁火淡入夜海
潮驚廟重曹娥孝碑雄魏武名開窗對新月獨
酌見幽情

郡齋卽事

日長公事少退食有餘閒下榻留高士攜琴對
鄒山萍開魚出躍松暝鶴飛還浩蕩乾坤內怡
然一解顏

度江寄懷諸姪

軫翼迴天象山川壯帝都漢江元入楚淮樹半
侵吳仙夢遊三島漁舟憶五湖紀行多賦咏千
里寄封胡

次京口

北固山如畫南徐月上初煙消秋水濶霜重晚

歷代詩選 明集卷三
林疎臺榭千年麗江山百戰餘興亡總陳迹搔
首獨躊躇

峭石道中

客久多愁思行遲覺路遙山家棕蓋屋溪徑竹
爲橋谷響常疑雨雲深或遇樵前村投逆旅風
雪晚蕭蕭

夾溝道中

暝色下滄洲舟行近夾舟樵歸爭喚渡漁唱忽
驚鷗鷗古墓侵沙岬居人傍驛樓留城應在望欲

訪赤松遊

宿宣義池和夢得韻

秋晚過幽亭煙空楚樹青潮聲歸別浦天影動
疎星野曠螢流火霜清鶴墮翎乘桴如有意東
去卽滄浪

宴徐將軍居庸關席上呈王都憲崔司馬

關入居庸險城臨北斗懸龍琴調宴樂虎帳集
羣仙爽氣來山雨秋聲漱峽泉醉餘望雙闕遙
倚五雲邊

送高時旭還閩

祖帳連芳樹征帆掛夕曛鄉心閩海月客夢楚江雲
候館雞聲早平蕪雁影分懸知霄翰上早晚薦雄文

贈僧

桑門開說遠公賢遯迹廬山四十年祇樹清風
揮玉麈曇花香雨擁青蓮乾坤夢覺空中相水
月心閒定裏禪塵事相關長擾擾虎溪何日細
談玄

賦得馳道玉聲寒送羅澤御史之南京

禁城鐘鼓漏初殘珮玉聲中引百官響度碧雲
雙闕曙清搖秋月九霄寒花邊振處風霜肅天
上朝回雨露寬豸史承恩南去日幾迴清夢聽
珊珊

錢塘懷古

雙龍北去歸遼海匹馬南來嘆寂寥一代興亡
吳苑月千年感慨浙江潮岳王墓上松聲慘伍
子祠前劔氣消遣女不知行客恨夜深湖上更

吹簫

舟中寄羅宗讓先輩

淮南草色赴離愁
江上潮聲送客舟
雙鬢漸驚玄髮變
一官長負素飧憂
煙光暝積丹陽雨
春水寒生震澤秋
鄉思滿懷吟望處
毘陵城上獨登樓

次高侍郎韻

芳村渺渺帶平沙
桑柘陰陰一徑斜
老去更堪身在客
病餘方覺眼生花
蟲聲入夜驚秋早
雁

影衝寒冒雨斜
西望故鄉情不極
白雲飛處是吾家

來高故宮人

雲雨巫山夢已闌
衰容羞向鏡中看
歌成紈扇秋風冷
舞罷霓裳夜月寒
玉筯暗垂今日淚
金蓮空想舊時歡
閒居寂寞誰相問
簾捲黃昏獨倚樓

永樂甲辰四月二十七日羶帽山雪後呈

兵部崔侍郎

歷代詩選 卷八十一
四月胡天雪未乾同雲萬里白漫漫月臨虎帳
晴光薄風颭狐裘曙色寒尊酒對燈稽嶺北孤
舟飛夢刻溪灣願令一洗胡塵淨疋馬寧辭道
路難

登柳州城和柳子厚

獨上城樓望八荒神遊霄漢入微茫輕雲帶雨
來高閣落日隨鳥下女墻萬里故人憐遠謫千
家砧杵斷愁腸長沙未有歸朝計老向天涯各
異方

花影

滿庭春色醉芳菲影落朱欄若有期月下參差
人靜後日邊零落雨晴時香魂暫逐行雲去嬌
態還從淑景移最惜年年寒食候風吹萬點重
堪悲

病起喜景著見訪

書齋隱几厭紛譁閒看春風掃落花忽見兒童
占噪鵲遠勞車馬到寒家細簾捲月新除酒石
鼎分泉漫煮茶欲賦南軒酬盛意揮毫臨紙尚

歷代詩選

明鏡齋

十四

欹斜

和解學士遊七星巖

碧空遙訪日華君
礪道泉香下鹿羣
神女祠前嵐作雨
伏波岩畔水連雲
石門冰雪清詩骨
仙洞煙霞隔世紛
金馬玉堂歸夢杳
野猿山鳥不堪聞

和吳當塗源弔李白墓

半世醺醺笑獨醒
九原漠漠掩重扃
月沉牛渚三山晚
雲抹娥眉萬古青
遺廟有碑題姓字
荒

阡無主泣山靈
文光不泯歸天上
臥看樓頭太白星

焚香欲鼎

網緼長見吐奇芬
銘刻猶傳漢代文
碧玉煙和搖蜃氣
紫苔花冷隱龍文
琴邊晝永心同靜
簾外風微手自焚
行向廟堂膺大用
磨礪遠擬勒殊勛

渡口

返照落平原
孤舟繫疎柳
隔河喚渡人
獨立秋

風久

明妃怨

家國知何在風沙滿目愁惟餘天上月還似漢宮秋

閨思

自君之出矣絲桐無復理思君如轆轤展轉不能已

江南曲

刊無正語鄉人寄書故鄉去妾家在橫塘門前雨

株樹

朱漢傑四小景

石壁霽秋雨溪雲淡將夕一曲龜山吟悠然楚天碧

題沈叔用夏廸山水

鏡天日落萬山秋雲水微茫島嶼浮欲訪仙源迷舊迹滿江煙月一歸舟

題枯木竹石

湘靈夢斷湘雲夕涼葉瀟瀟瀉秋碧君山半夜

風雨來萬頃波中老龍泣

春日偶作

病來斷酒笑獨醒南山遙對北窗青
心閒夢覺日當午啼鳥數聲花滿庭

附鄭亮詩

字汝明有蒙齋集茲齋公之子也

天際送林季聰進士使三湘圖

君家粵西曲我家于山顛辭家遠行邁
脩程餘八千豈無一匏羹可以樂永年
出身重天顯經綸貴才賢錦裘赤霞綬
玉綺紫雲韉丈夫志不

偶徒爲渠所憐結髮入庠序高歌宵雅篇
時哉適我志行行宜勉旃

送朱州判子還家

君家住在子山麓門前舊種桑榆綠
遙望葱葱知故家況有清陰庇鄰曲
記得常年二月時綠車軋軋蠶初絲
桑影欲斜春社散榆煙新起午炊遲
故鄉別來今幾載樹色重重長不改
石砌輕風落小錢粉墻晚日垂高蓋
憐君近別復何如依然繞屋青扶踈
感之忽爾有歸思因買孤

歷代詩選
明鄭汝明
舟還故居

山水圖爲兵馬指揮朱君題

聞君住在蓬壺天赤城十二遙相連
閒來聽籟坐松石仙衣醉拂秋霞眠
柴門不掩讀書處隔窗恍惚生煙霧
重蘿隱隱半山鐘細雨濛濛萬花樹
天書憶昔下岩阿不起其如蒼生何
仙人別去五雲表碧山悵望空嵯峨
碧山千里復萬里仙人洒向丹青裏
何日陶潛歸去來扁舟遠掛滄江水

湖山秋霽圖圖有鴻雁鳥鴉竹木爲吳太

守作

太湖瀲灩浮晴玉蘆荻河洲秋菽菽
懸崖翠嶺黛娥森羣雁盤翔下平陸
瑤天捲雲碧於鏡山空水濶橫秋影
玉筆峰前鍊畫書白榆川上金蛇陣
哀鳥冥冥破昏碧寒聲帶暝相呼急
蘭室銀缸融冷光佳人半掩羅襦泣
小奴有警相依眠野人繒繳今悄然
夢迴胡塞三更月魂逐衡陽萬里天
栖栖有根誰教省啄者自啄飲自飲

南國原田菰米稀洞庭渚澤煙波冷學淵老仙
鶴骨清修筠落木多秋情夕陽樹杪散餘綺歸
鳥欲宿啞啞鳴爾鳥也托一枝安征鴻蹙喜平
柯寬明日飛騫九達上請看儀羽天朝端
空水送楊進士畢姻歸姑蘇

仙子承恩下赤霄香風送上木蘭橈五雲光動
黃金榜雙鳳聲和碧玉簫石洞蟠桃開作錦銀
河靈鵲駕成橋歸家莫戀春容好整珮應期共
早朝

挽杭州蔣處士

徜徉杖屨嘯林丘白髮蕭蕭七十秋
令子初承聞喜宴仙翁應夢采真遊
西湖誰咏寒梅月剡曲空遺夜雪舟
惆悵湧金門外路斜陽原上重回頭

按公墓誌銘宣德丙午癸丑鄉會皆以禮經冠
闈成進士初授戶部主事西域獻騏驎公爲賦
以獻頗寓規諷上嘉納之惜未永年而卒其孫
長史伯和魯孫運漳始揭公集而傳之濡須吳

歷代詩選
明
卷之序

廷翰爲之序

轅門十詠

小引

國初朱克誠中衛百戶也能詩與陳探花景著
陳侍讀叔剛陳僉憲輝洪會元英相唱和茲轅
門十詠者克誠首倡而同時屬和凡九人曰羅
泰曰谷宏曰林坦曰秦善曰李溥曰朱琪曰鄧
善曰郭虞曰余旭其詠物槩有佳句可知國初
吾鄉作者之盛不獨十子爲善鳴也羅宗讓自
有集谷仲宏選詩只一首茲復見于此編者五
余因喜而併錄之徐典公墓烏石山志又得克

誠諸公以宣德甲寅歲大會于隣霄臺冠裳布
布名僧武弁共十九人同勒于石

善曰源惠曰余賦其精於樂林林以四賦國條

泰曰谷宏曰林賦曰泰善曰李敬曰不與曰

門十精香克歸首歸而回却歸味且人人曰

刺封雷妹惘刺愈靈賦共會云英林品味茲刺

石倉十二代詩選

明詩卷之又八十

輓門十詠

石倉居士曹學佺閱

朱克誠

水

浩浩無津際杳冥煙波何處望蓬瀛
馮夷銀屋千層迥漢使星槎一葉輕
盈縮應隨天地化奔流不盡古今情
萬方共喜風濤息四海絃歌讚

聖明

塵

一騎駸駸涉遠途紛紛如霧暗雲衢迎風却認
沙中起過雨還從陌上鋪亂逐行車迷劍佩不
隨流水入江湖祗今四海昇平日佇見晴空一
點無
孤鶩齊飛入望賒晚晴遙映夕陽斜光疑海月
流珠彩艷訝天河浣絳紗錯落霜林籠錦樹澄
明仙井燦桃花散成紫氣疑丹室絕勝芙蓉伏
火砂

霜花

會聞青女手栽培露冷風嚴徹夜開色借龍泉
涵碎玉光疑鴛尾軼纖埃輕盈積素迷行佩冷
淡無香訝落梅何事太陽收拾却又隨流水到
天台

睡蝶

曉日初晴百卉香爲貪春睡倦尋芳魂隨斷靄
迷花徑夢逐殘英度粉墻翠幃深沈愁雀噪香
林寂寞怯風狂醒來粉褪飛猶懶却憶莊生寄

恨長

飛燕

王謝園林舊路荒不妨陰雨補巢忙自憐弱羽
隨萍梗何暇棲身向畫樑低拂綠楊過藥圃斜
穿青草度芹塘烏衣雲海頻來往不憚風波道
路長

梅魂

朝來策蹇覓芳魂南北枝頭見淚痕春靜不堪
溪上弔夜深空向笛中論吟餘姑射幽香遠夢

人羅浮素影繁幾度石橋西畔路淒涼新月照
黃昏

白鴈

聯翩北向復南翔玉宇橫看寫恨長色借蘆花
澄素練影涵明月上波光金河遙度千行雪紫
塞孤飛一片霜爲問上林傳札後別來曾復見
蘓郎

無絃琴

焚香掃石獨橫琴愧乏朱絃感恨深月下不聞

烏夜操花邊空憶白頭吟難將古調傳心事無
復高山遇賞音為報東林蓮社侶不堪攜抱日
相尋

遊絲

綰煙曳日度江臯散逐晴風下復高柳外牽情
邀翰墨花邊縈恨怨離騷千尋謾憶紉蘭佩萬
縷空懷織錦袍收得春回桃浪暖謾言曾許釣
鯨鰲

羅泰

字宗讓

水

天吳自昔肇洪荒一望東南接混茫習坎不盈
時未達在川應與道俱長禹門春盡兼天湧牛
渚秋高徹夜光愧我短纓猶未濯不知何處泛
滄浪

塵

聞道麻姑碧海東飛揚幾度杳難窮萊蕪甌朽
名猶在石虎樓高事已空謾逐清風迷玉塵長
隨旭日逗房櫳自慚擾擾浮生裏何處蓬萊絕

島中

霞綺

滕王高閣近滄洲散綺千章絢碧流
杏藹祥光虹駕闕氤氳佳氣蜃爲樓
紋成織女機初下丹伏茅君火未收
我欲朝餐凌絕景飄飄長侍赤松遊

霜花

億自淞江下秀州蒼涼玉宇霽光浮
誰於月露雙清曉幻出瓊花一色秋
蝴蝶夢回看不厭鴛

鴛尾冷覺生愁凝輝絕勝吳鹽巧
柳絮才高愧莫爾

睡蝶

繁英採採拾香紅倚倦還棲錦綉叢
濕透粉裳愁夜雨低垂玉版怯春風
魂歸莊室應同化夢與南柯杳不通
向曉却應誰喚醒鶯聲遙在百花中

飛燕

華屋雕梁粉繪新烏衣何事往來頻
輕狂更擇

唐詩選 卷之十 五
營巢處下上猶尋繫線人
冒雨斜穿三徑曉隨
風遙度萬家春
自慙寄跡浮名下
南北東西老
此身

梅魂

孤山蹤跡迥無邊
醉裏羅浮別有天
春信挽回
風冉冉角聲吹斷
月娟娟石橋清趣
將吟遠紙
帳空香入夢
傳覺後欲尋
渾不見
淚痕殘雪
暝
浮煙

白鴈

憶別蘓郎塞外城
秋來何事復南征
遠疑孤鶴
橫空迥近訝閑鷗
泛渚輕雪滿上林
朝送影
寒湘浦夜聞聲
懸知霄漢翱翔日
白雀那能獨
擅名

谷宏

字仲宏

霞綺

晴天吐彩散英英
佳氣光輝照赤城
曉起忽隨
孤鷺去晚來仍逐
片雲行
燁如蜀錦榮
還燦皎
若爐丹色更明
欲起高樓頻眺望
悠然餐罷可

長生

霜花

皎皎流輝璨玉英九天繁露似凝成方疑趙璧
明還潔若比驪珠色更清隋苑瓊花無瑩彩唐
宮玉藥少光明化工若使應長在宛洛芳春第
一名

睡蝶

逐氣隨香何處尋翩翩無力宿花心不知在客
傾盃樂只與莊生入夢深葉底風微猶栩栩叢

間日煖正沈沈覺來粉翅初輕舉方聽笙歌有
妙音

飛燕

曾向烏衣國裏來暖風先到栢梁臺翽翽畫閣
朱扉敞下上華堂翠箔開倏見秋容何處去忽
逢春色又飛回昔年王謝門墻盡惟有荒臺長
翠苔

無絃琴

陶令閑來理素琴悠然妙趣不聞音夏炎揮手

風生座夜靜怡情月滿林石上攜來多逸興堂
前撫罷更清心須臾三徑黃花發抱向寒籬酒
共斟

林坦 字惟道

水

混混泉源一氣通功成潤澤古今同魚龍變化
誰能測江漢朝宗不可窮潮信有期惟向月波
瀾無意自隨風弱流萬里蓬萊隔擬泛星槎向
此中

塵

一道空濛晝未開青槐綺栢動浮埃暝隨微雨
花前歇晴逐香風柳外來羅襪行侵遊園苑馬
蹄縈轉下章臺不知開闢洪荒後碧海飛揚又
幾回

霞綺

赤水祥光杳藹中曉隨孤鶩氣空濛六街羅綺
花前月十里旌旗塞上風色借霜林迷遠樹影
兼桃浪動遙空最怜王勃才無敵滕閣當時記

獨雄

霜花

青娥巧剪奪春工萬瓦瓊瑤一道通暗結冰魂
凝曉露不隨香絮逐寒風鉛華荏冉銀屏隔梅
額輕盈玉鏡空蜂蝶飛來空戀戀不知何處是
芳叢

睡蝶

翠逕深沈日未西紅稀綠暗望中迷穿花頓覺
芳心懶卧柳從教舞翼飛金谷魂飛春寂寂銀

塘夢入草萋萋飄然欲與莊周化莫遣鶯聲柳
外啼

飛燕

烏衣千里愧飄蓬春去秋來似夢中貪掠香芹
芳徑遠不知清晝畫梁空雲邊征鴈應堪擬江
上閑鷗迥莫同偶語何須尋舊壘秦樓寂寞掩
春風

梅魂

曾憶尋芳度石橋滿懷幽思雪飄飄西湖鶴弔

春如夢東閣詩成恨未消疎影蕭條和落月空
香縹緲逐寒飈羅浮酒醒人何處玉笛聲寒夜
色遙

白鴈

雪霽千門舊路微曾傳玉札上林飛行歸紫塞
和霜斷影度銀河帶月輝瑤瑟輕彈移寶柱霓
裳妙舞想春衣西風吹醒蘆花夢悞逐閑鷗上
釣磯

無絃琴

雅製曾傳太古時蛇紋深斷碧梧枝最怜得趣
同元亮何必知音覓子期流水高山應默契陽
春白雪有心知長卿無限求凰意寂寞何由寄
所思

桑條遊絲

彷彿冰蚕繭乍抽隨風嫋嫋自悠悠牽花有影
晴多見映月無痕夜不收色借明紗江上浣光
添白髮鏡中愁將軍况是經綸手高唱于今愧
莫酬

秦善字思舜

水

一氣流行混太空
涵幽極遠意無窮
波濤迥與風雲合
動息應參造化功
牛渚天河涵夜白
扶桑碧海漾朝紅
若為舟楫還堪濟
未老滄浪一釣翁

塵

紫陌蒼茫啓曙扉
晴風初起亂依微
靜沾藥架理香逕
行傍車輪上客衣
夢草池塘清不染
看

花臺榭暝還飛
回遊館閣城南道
拂面狂吟幾度歸

霞綺

艷彩澄明天外落
赤城縹緲望中微
光浮玉洞仙人掌
色染瑤池阿母衣
朝傍孤雲催雨過
暮隨晴鳥向江飛
仙家最有餐虛術
欲學長生何處依

霜花

露下亭亭晝夜未
闌疑華積素共漫漫
瓊葩色瑩

唐詩選 卷之十 詩
瑤池冷粉靨紅消玉壁寒梅徑醉歸和月見梨
園歌罷倚樓看遙知仙客朝元處一片清輝集
露盤

睡蝶

春條縈恨正依依睡倚紅香思欲迷墻外不驚
飛絮起窗前偏却小鶯啼莊周曉夢成寥寞金
谷春遊益倦棲解意東風忽吹醒尋芳人在畫
欄西

飛燕

雙飛來往野橋西數里平蕪綠漸齊花徑泥香
嫵雨濕綉窓風靜怕簾低巢成却擬歸來早海
曠那堪望去迷感慨舊時王謝宅空林殘日冷
嗚嗚

梅魂

山逕荒涼雪滿枝寒風吹冷轉參差幽香暗結
黃昏後淡月微明半夜時東閣不曾吟裏見羅
浮空說夢中期更堪何處成追憶腸斷西樓玉
笛悲

白鴈

憶昨瀟湘倚棹時
蘆花深處見還稀
羣依露渚涵空遠
色淡秋旻背月飛
海客無心那可狎
江鷗有伴恐忘機
蕭條莫遣寒風起
又帶晴霜向北歸

無絃琴

雅製何人敢擅名
碧梧枝老斷紋生
花邊不道相如意
席上猶懷太古情
白雪陽春空有調
黑河秋雨冷無聲
誰知陶令歸來日
別是風流一

段情

遊絲

舊遊曾入桑間路
惹袖霑裾思未休
纖綆依微煙外沒
羣珠蹙續雨中浮
晴牽草樹縈春恨
暝倚花窗織夜愁
只恐驚風吹散去
殘絲零亂不堪收

李溥

水

幾度潺湲樹底過
淵澄會見瀉天河
氣蒸桃浪

歷代詩選 卷之十 詩
紅翻錦色借湘裙綠染羅曲礪分來聽不盡長
溝流出恨偏多朝宗東泛滄溟遠萬里瀾漫接
巨波

塵

九衢蹤跡望微茫東海行聞久不揚偏集貧居
生范甑每隨清趣積虞床暝連花市輕煙綠秋
結沙場落日黃更憶凌波微月下寒侵羅襪暗
飄香

睡蝶

晴晝沈沈何處來香鬢粉翅欲低摧風驚柳絮
魂初斷日轉花陰夢未回若個有情憐盡勾因
濃無力怯鶯猜漆園感化應難憶料爾芳心未
肯灰

飛燕

年年來去爲誰忙偏戀晴春引興長楊柳池塘
窺日暖杏花門巷落泥香孤飛帶雨尋華屋雙
翼隨風過粉牆王謝舊遊雲海濶秋深離恨轉
淒涼

霞綺

長空絢彩麗春熙清旦呈祥冠日輝初訝鮫綃
橫海市還疑雲錦下天機輕盈映水驚魚躍散
亂隨風伴鷺飛更願靈華成五色爲君裁剪作
朝衣

霜花

鉛華露彩釀丰姿寒艷偏承造化私鴛瓦雙團
銀布粟鶴巢千片玉連枝秣綠青女施粧巧休
訝羲和馭日遲應與同雲爭獻瑞每符豐稔兆

明時

梅魂

吟餘楚些夜初闌憶得香魂欲弔難素影暗憐
水骨瘦清容淡怯羽衣寒夢驚宋玉妝前斷怨
人羌胡笛裏殘幾度黃昏人靜後朦朧長對月
中看

白鴈琴

南來北往嘆長途重整霜翎泛五湖色映銀河
天共遠影分瑤島月同孤傳書度塞迷寒雪避

歷代詩選 卷之十 詩 五
繳投荒黠綠蒲莫向蘆花深處宿錯教鷗鷺夜
相呼

無絃琴

獨抱孤桐欲理遲
衰回拂拭乏朱絲
謾誇蔡琰知音夜
但悞陶潛得趣時
別鶴久違花下賞
離鷺空負月中期
年來不習和鳴調
忽聽陽春動所思

遊絲

春來到處弄輕柔
縮霧縈煙不自由
情密暗牽

楊柳外恨深偏繫杏梢頭
鶯梭引緯應難織
魚餌投綸恐莫收
日暮風高摠飄泊
殘絲長送落花愁

朱琪

塵

聞說輕依弱草棲
曾沾花雨作香泥
錦筵舞罷隨仙步
紫陌朝回逐馬蹄
榮辱寸心應渴
長古今浮世爲昏迷
長纓不染還須濯
莫道華簪是辟犀

霜花

青女鉛華和露調殘妝洗却涼難消光如銀粟
鋪官瓦疑似瓊林積板橋冷艷分隨朝日泮寒
威不受晚風飄稜稜絕勝孤山雪差並江梅綴
玉條

梅魂

東風吹雪玉屏空姑射仙姿杳莫逢水魄飄零
空入夢水香浮動竟無蹤厭聞羌笛傳新恨愁
對宮粧想舊容惆悵西湖湖上路空餘殘月夜

溶溶

白鴈

漢使傳書事惘然箏彈玉柱怨商絃行離露陣
迷湘浦字斷銀鈎帶楚煙汀鷺錯呼慚獨立沙
鷗悞認狎羣眠蘆花明月長爲主自是來賓又
隔年

睡蝶

栩栩芳心戀艷陽宿迷春色獨憐香韓生有恨
將魂斷莊子多情入夢長暖壓困濃貪晝靜花

歷代詩選 卷之十 詩
飄驚覺恠風狂低垂粉翅慵飛舞猶憶南華路
灑茫

無絃琴

柴桑人去杳無期名在孤桐世共推爲惜蛇紋
囊綠錦那將鴈足繫朱絲宮商有意空思憶鸞
鶴無聲久別離自是寸心諧古調微音寧與俗
人知

遊絲

吟對遊絲春晝寒縈花曳柳拂欄杆雨線搖曳

千莖亂風軸飄揚幾縷殘暗織鶯梭穿未得晴
牽蛛網結應難自慚華髮還堪比滿鏡蕭蕭不

忍看

鄧善

宋林塵

簾外紛紛惹舞衣暗浮明鏡拂重幃牙床積處
沈香細羅襪生時獨步微南陌風飄花共散東
城天靜靄連飛誰知林下棲遲者獨掩衡茅爲
息機

睡蝶

穿林採採日初昏欲化莊生向漆園已被香雲
邀入夢不堪疎雨濕殘魂芳鬢半捲金纏縷粉
翅微開玉屐痕醒後更無梁苑思只探花竹數
家村

梅魂

芳魂寂寂倚春魁厭聽孤城畫角哀笛影空中
尋月伴衣香水上候風來曾臨東閣教詩興更
入羅浮徹夢回只恐清芬易消歇惟餘玉骨在

蒼苔

白鴈

相呼相喚度衡湘萬里排空曳粉光江上聯翩
水色淺雨中嘹唳玉聲長蘆花伴影欺寒月秋
水翻翎勝早霜飛入上林霄漢近也隨鷓鴣綴
班行

無絃琴

朱絃不具錦囊盛幾度空攜月下行天水斷紋
看有影嶧陽焦尾聽無聲竹邊每恨徽金冷石

上空懷漱玉清只恐茂陵多病後那能一曲寄
鍾情

遊絲

一髮風吹何處依溶溶曳曳舞輕微桑間向曉
新蚕吐池上先秋斷藕飛繫柳縷縈江客棹牽
花影落玉人機更看幾處殘絲細飄泊東西遊
子衣

郭麐

春苔水

會憶閑居江上村多情日日繞衡門去來曉帶
晴雲影瑩徹寒蕪夜月魂迥接大河應不舍欲
觀滄海已難言何當借取仙槎便相與同尋禹
穴源

空塵

一道空濛衆所猜宛疑陽至動飛灰貧居却厭
閑中滿浮世還從何處來迥逐風光飄紫陌寧
隨夜氣點靈臺舊遊蕭寺留題處紅袖那知拂
幾回

梅魂

永想清肌雪想容天寒那任倚香風淒涼每見
黃鐘後飄泊誰憐玉管中朝對西湖宜鏡水夜
歸東閣瑩房櫳逋仙逸興應難弔夢斷孤山月
色空

白鴈

楚雲湘水遠天涯幾度隨陽客路賒影落秋潭
宜桂魄身投暮渚並蘆花玉門霽雪將魂斷紫
塞晴風引字斜應想當年持節使窮荒南望更

堪嗟

霜花

豐山半夜動鐘時露結瓊花碧瓦滋天上曾聞
青女降人間驚訝玉簪遺扶桑曙色偏相妬泰
華秋容宛更疑晴倚畫欄相對久淒淒應恨曉
風吹

霞綺

東望扶桑拂曙紅參差躡影五雲同千尋濯水
流文采一片經天賴化工氣繞赤城紅樹合先

涵銀浦錦屏空何當收拾成佳製會見蓑衣戲
曉風

飛燕

弱羽參差翠黛寒飛來飛去畫梁間池塘影拂
蒲風落林巷身沾杏雨還出戶誰憐嬌客在入
樓應識美人閑烏衣故國知何處萬里蒼茫海
上山

無絃琴

枯桐一片鎖清秋雲水空餘爽氣浮楚瑟聲沈

江月白吳絲影斷曉星流歸來陶徑開新調病
起文園掩舊愁更羨衡門公暇日陽春有曲愧
難酬

遊絲

清晝沈沈淑景遲空中萬縷總堪疑青樓偏惹
羈人恨銀漢空懷織女知鳥外迎風縈草帶簾
前曳日綴花枝于今好人經綸手莫作江臯一
鈞絲

余旭

塵

紛紛浮世暝霏霏來往長看滿客衣
驛路每隨香霧起沙堤長逐朔風飛
丹砂功就應難染明鏡臺空已覺非
自愧半生飄泊跡疇能爲我息斯機

霜花

鉛華積素瑩娟娟布粟成花有底妍
萬點珠星凝碧瓦千枝粉幹綴銀牋
江橋曙色迷行騎草塞寒光接遠天
自是南琛風景薄若爲佳瑞兆

豐年

梅魂

春早幽尋雪未乾冰肌寒賴月中寒
魄依東閣吟邊返影落孤山夢裏殘
怨斷宮妝嗟別久曲終羞笛弔歸難
幾回憶得羅浮事醉舞東風更倚欄

白鴈

傳書曾聽渡金河萬里霜翎帶雪過
夜傍星橋珠錯落朝飛露渚玉婆娑
橫江影動滄波白背

月輝澄素練多莫道衡陽歸路杳海天風景易
蹉跎

睡蝶

暝宿園林晝日長芳心冉冉惜餘光不禁澗底
風泉冷偏愛花間露葉香夢怯林鶯啼上苑魂
隨野草落荒塘未知曾見莊生否懶却尋香過
畫牆

無絃琴

何人千里寄孤琴有軫無絃恨轉深花落不隨

流水調月明空憶越江吟久慚石上難留興每
負燈前獨賞心遙憶伯牙千載後惟君與我是
知音

遊絲

弄影晴空處處竒輕浮偏在落花枝千經暗織
春情懶萬縷閑縈晝景遲帶雨依微牽露網因
風撩亂藉蛛絲何人爲報天孫道欲製雲綃得
幾時

石倉十二代詩選

明詩卷之又八十終

廣雅

釋詁

卷之十

廿四

廣雅

釋詁

卷之十

廿四

廣雅

釋詁

卷之十

廿四

廣雅

釋詁

卷之十

廿四

廣雅

釋詁

卷之十



程